

RANCANG PERJALANAN SEMPENA SAMBUTAN HARI KEBANGSAAN DAN CUTI PERSEKOLAHAN

Petaling Jaya, 26 Ogos 2026:- PLUS Malaysia Berhad (PLUS) menjangkakan sekitar 2.2 juta kenderaan akan menggunakan rangkaian lebuh rayanya pada hari-hari puncak sempena sambutan Hari Kebangsaan serta cuti persekolahan yang bakal tiba.

Trafik dijangka lebih tinggi bagi tempoh 28 Ogos hingga 31 Ogos serta 4 September hingga 7 September, apabila lebih ramai pengguna mengambil peluang sempena cuti umum dan cuti persekolahan untuk membuat perjalanan.

Rancang Perjalanan Lebih Awal Dengan MyPLUS-TTA Di Aplikasi PLUS

Bagi membantu melancarkan perjalanan, PLUS menggalakkan para pengguna merancang perjalanan lebih awal dengan merujuk kepada jadual digital MyPLUS-TTA (Travel Time Advisory) menerusi Aplikasi PLUS.

Pengguna lebuh raya disarankan mematuhi jadual perjalanan ini kerana waktu perjalanan disusun berdasarkan jangkaan pola trafik pada musim perayaan atau waktu puncak terdahulu. Pematuhan kepada jadual ini dapat membantu mengagihkan trafik dan mengurangkan tumpuan kenderaan di satu-satu lokasi pada waktu puncak.

Aplikasi PLUS juga boleh digunakan untuk mendapatkan maklumat trafik secara masa nyata, bantuan kecemasan (SOS), maklumat insiden, anggaran kadar tol, lokasi kawasan rehat dan rawat, stesen pengecas kenderaan elektrik (EV) serta maklumat perkhidmatan lebuh raya lain bagi memudahkan perancangan sebelum dan sepanjang perjalanan.

PLUS Tingkat Persediaan Untuk Keselesaan Pengguna

Sebagai persediaan menghadapi pertambahan trafik, PLUS akan menambah petugas di plaza tol dan kawasan rehat, meningkatkan rondaan PLUS Ronda serta memantau trafik secara berterusan melalui Pusat Pemantauan Trafik (Traffic Monitoring Centre).

PLUS juga akan mengaktifkan Smart Lane di **33 lokasi terpilih** bagi membantu melancarkan trafik di kawasan yang dikenal pasti berpotensi mengalami kesesakan. Pengguna dinasihatkan peka dengan papan tanda Smart Lane dan mengurangkan kelajuan kenderaan sekiranya menggunakan laluan tersebut. Pada masa yang sama, pengguna diingatkan agar tidak menggunakan laluan kecemasan di luar lokasi pengaktifan Smart Lane bagi mengelakkan tindakan undang-undang oleh pihak berkuasa.

PLUS juga akan terus bekerjasama rapat dengan Polis Diraja Malaysia (PDRM), Jabatan Pengangkutan Jalan (JPJ), Lembaga Lebuhraya Malaysia (LLM) dan agensi berkaitan supaya sebarang insiden di lebuhraya dapat ditangani dengan segera.

Kemudahan di R&R dan Hentian Sebelah Lebuhraya PLUS

Sebagai persediaan menerima peningkatan jumlah pengguna, PLUS akan meningkatkan penyelenggaraan kemudahan awam di kawasan rehat dan rawat (R&R) serta hentian sebelah dengan mengutamakan aspek kebersihan dan keselesaan pengguna.

Di samping itu, PLUS akan terus menambah baik kemudahan awam di sepanjang rangkaian lebuhrayanya, termasuk surau dan tandas yang lebih kondusif bagi menjadikan perjalanan pengguna lebih selesa.

Utamakan keselamatan sepanjang perjalanan

Sebelum memulakan perjalanan, pastikan kenderaan anda berada dalam keadaan baik. Bagi memastikan kelancaran ketika berada di plaza tol, pastikan baki kad Touch 'n Go atau eWallet (bagi pengguna RFID) mencukupi dan pautan kad pembayaran pada aplikasi JustGO kekal aktif. Sekiranya mengalami sebarang masalah transaksi, sila tekan butang interkom di lorong tol untuk mendapatkan bantuan petugas.

Pengguna juga diingatkan supaya mematuhi had laju, mengekalkan jarak pemanduan yang selamat, mengamalkan pemanduan berhemah serta mengelakkan penggunaan telefon bimbit ketika memandu.

Bagi perjalanan jarak jauh, pengguna dinasihatkan berehat di kawasan R&R atau hentian sebelah untuk menyegarkan diri sebelum meneruskan perjalanan. PLUS menggalakkan semua pengguna untuk merancang perjalanan dan memilih waktu perjalanan yang sesuai agar perjalanan mereka di lebuhraya lancar, selamat dan selesa.

Pengguna lebuhraya yang memerlukan bantuan boleh menghubungi **PLUSLine di talian 1800-88-0000**. Maklumat trafik terkini juga boleh diperoleh menerusi Aplikasi PLUS serta platform media sosial rasmi PLUS dari semasa ke semasa.

-TAMAT-

PERTANYAAN MEDIA:

Nadirah H. Rodzi Perhubungan Media, Komunikasi Strategik PLUS Malaysia Berhad Telefon Bimbit: 019-343 2120 Emel: nadirah.rodzi@plus.com.my	Rofina Adam Perhubungan Media, Komunikasi Strategik PLUS Malaysia Berhad Telefon Bimbit: 012-657 4452 Emel: rofina@plus.com.my
---	---